

Përmbajtja

<i>Borxhi i jashtëm bruto</i>	1
<i>Borxhi i jashtëm bruto sipas sektorëve</i>	3
<i>Borxhi i jashtëm bruto sipas instrumenteve</i>	4
<i>Tërheqjet dhe shërbimet e borxhit të jashtëm bruto</i>	5
<i>Shënime metodologjike</i>	6

Kryesore:


- Borxhi i jashtëm bruto vlerësohet në 8,258 milionë euro;
- 78% e vëllimit të borxhit të jashtëm bruto është borxh afatgjatë;
- Në masën 58% huatë e tërhequra gjatë tremujorit të katërt 2019 i takojnë Qeverisë së Përgjithshme

BORXHI I JASHTËM BRUTO

Në fund të muajit dhjetor të vitit 2019, Borxhi i Jashtëm Bruto (BJB) i Shqipërisë shënon rreth 8,258 milionë euro. Në harkun kohor të një viti, stoku i BJB-së u tkurr me rreth 94.9 milionë euro, ku vlera neto e transaksionit ishte negative në rreth -160.6 milionë euro, ndërsa efekti i kursit të këmbimit të valutave kryesore vlerësohet pozitiv në rreth +54.4 milionë euro. Në të njëjtën kohë, diferencat e rivlerësimit (ndryshime të tjera nga ri-klasifikimi) vlerësohen në rreth +11.2 milionë euro.

Ngushtimi i stokut të BJB-së ka qenë kryesisht në drejtim të rënies së tepricës së huamarrjes afatgjatë të Qeverisë së Përgjithshme. Njëkohësisht, korporatat depozituese kanë tkurrur tepricën e huave afatshkurtra, dhe detyrimet në formën e titujve të Sektorëve të Tjerë shënuan rënie. Borxhi i jashtëm afatshkurtër u ngushtua me 58 milionë euro në nivelin 1,843 milionë euro.

Borxhi i jashtëm afatgjatë, ra gjatë vitit me 37 milionë euro në nivelin 6,415 milionë euro. Zhvillimet në stokun e borxhit të jashtëm afatgjatë i atribuohen ngushtimit të borxhit të jashtëm publik¹ me 92 milionë euro, ndërkohë që, borxhi i jashtëm afatgjatë privat u zgjerua me 55 milionë euro. Borxhi i jashtëm i Bankës Qendrore, - alokimet e SDR nga FMN, nuk shënon lëvizje të konsiderueshme.



Grafik 1: Borxhi i Jashtëm Bruto

	Milionë EURO		
	31 dhjetor 2018	30 shtator 2019	31 dhjetor 2019
Borxhi i jashtëm afatgjatë	6,452	6,463	6,415
Borxhi publik	4,068	4,029	3,976
Borxhi privat	2,328	2,375	2,382
Borxhi i bankës qendrore, nga të cilat	57	58	57
Alokimet SDR nga FMN	57	58	57
Borxhi i jashtëm afatshkurtër	1,901	1,871	1,843
Borxhi i jashtëm bruto	8,353	8,334	8,258

Tabela 1: Borxhi i Jashtëm Bruto

¹ Borxhi i jashtëm publik përfshin huamarrjen me jashtë drejtpërdrejt nga Ministria e Financave dhe Ekonomisë (MFE) dhe qeveritë lokale, huamarrjen me jashtë të garantuar nga MFE dhe qeveritë lokale, në përputhje me legjislacionin mbi borxhin publik, duke përfshirë huatë e marra nga MFE në përputhje me marreveshjen e FMN-së, si dhe letrat me vlerë të qeverisë të blera nga jorezidentët - të llogaritur me vlerën nominale.

Monedha evropiane (EUR) është monedha kryesore në emërimin e detyrimeve të Shqipërisë ndaj botës, me rreth 66% të totalit, ndërsa SDR përfaqëson 12% të stokut, në fund të periudhës.

	Borxhi jashtëm	
	Milionë EUR	%
EUR	5,474	66%
USD	791	10%
SDR	1,014	12%
CAD	131	2%
JPY	97	1%
Të tjera	751	9%
Totali	8,258	100%

Tabela 2: Kompozimi sipas monedhave i borxhit të jashtëm bruto, në 31 dhjetor 2019

Kreditorët publikë mbajnë pjesën më të madhe (rreth 45%) të tepricës së borxhit të jashtëm afatgjatë. Midis kreditorëve privatë, institucionet e huaja të kreditit kanë zgjeruar pjesën e tyre me rreth tre pikë përqindje gjatë vitit 2019. Në të njëjtën kohë, detyrimi afatgjatë mes kompanive të lidhura në një marrëdhënie investimi direkt, ruan një nivel prej rreth 23% të totalit të borxhit të jashtëm afatgjatë.

	31 dhjetor 2018		31 dhjetor 2019	
	Milionë EURO	%	Milionë EURO	%
Hua nga institucionet financiare ndërkombëtare	2,665	41%	2,878	45%
Investime portofoli të bankave private dhe të qeverisë	559	9%	506	8%
Hua nga banka private dhe institucione të tjera financiare	900	14%	1,004	16%
Të tjera	2,329	36%	2,028	32%
Borxhi i jashtëm afatgjatë	6,452	100%	6,415	100%

Tabela 3: Borxhi i jashtëm afatgjatë sipas kreditorëve

Gjatë vitit 2019, borxhi i jashtëm afatgjatë u zgjerua në maturitetin 1 deri në 5 vjet, ndërsa teprica në maturitetin në më shumë se 5 vjet shënoi rënie (Tabela 4). Nga këndvështrimi i maturitetit origjinal, pjesa e borxhit të jashtëm me më shumë se 5 vjet maturim vijon të tejkalojë dukshëm atë të borxhit me maturitet midis 1 dhe 5 vjetësh.

	31 dhjetor 2018		31 dhjetor 2019	
	Milionë EUR	%	Milionë EUR	%
1-5 vjet	911	14%	1,193	19%
Borxhi publik	351	5%	531	8%
Borxhi privat	559	9%	662	10%
më shumë se 5 vjet	5,542	86%	5,223	81%
Borxhi publik	3,773	58%	3,502	55%
Borxhi privat	1,768	27%	1,721	27%
Borxhi i jashtëm afatgjatë	6,452	100%	6,415	100%

Tabela 4: Borxhi i jashtëm afatgjatë sipas maturitetit

Monedha evropiane (EUR) është monedha kryesore në emërimin e detyrimeve të Shqipërisë ndaj botës.



BORXHI I JASHTËM BRUTO SIPAS SEKTORËVE INSTITUCIONALË

Qeveria e Përgjithshme zotëron rreth 45% të totalit të Borxhit të Jashtëm Bruto të Shqipërisë. Pjesa tjetër është e shpërndarë midis Sistemit Bankar (17%), Sektorëve të tjerë (37%) dhe Autoritetit monetar (1%).

Sektori i Qeverisë së Përgjithshme mban peshën kryesore në stokun e BJB-së. Në fund të muajit dhjetor 2019, detyrimet e Qeverisë së Përgjithshme vlerësohen në 3,756 milionë euro dhe prezantohen kryesisht si hua afatgjata, obligacione dhe dëftesa.

Referuar fundvitit 2018, borxhi i jashtëm i Qeverisë së Përgjithshme u zvogëlua me rreth 73 milionë euro. Detyrimet e borxhit në formën e huave afatgjata dhe obligacioneve ranë përkatësisht me rreth 18 milionë euro dhe 55 milionë euro.

Huatë e Qeverisë së Përgjithshme përfaqësohen nga huatë e tërhequra pas viteve '90 dhe ato të riskeduluara, të cilat vazhdojnë të jenë të negociueshme midis palëve. Në fund të periudhës, huatë e riskeduluara përfaqësojnë 0.2% të stokut të huave afatgjata të këtij sektori.

Stoku i borxhit të Autoritetit Monetar ose Bankës Qendrore, shënon 57 milionë euro, pa lëvizje të konsiderueshme gjatë vitit 2019. Detyrimet e Autoritetit Monetar përbëhen vetëm nga alokimet e SDR-së, pasi huatë afatgjata të akorduara nga FMN u shlyen gjatë tremujorit të parë të vitit 2019.

Në fund të dhjetorit 2019, stoku i borxhit të jashtëm bruto të Sistemit Bankar shënon rreth 1,422 milionë euro dhe prezantohet kryesisht në formën "hua" dhe "monedha e depozita", respektivisht me rreth 12% dhe 86% të totalit. Gjatë vitit, ky sektor ka rritur detyrimet afatgjata dhe zvogëluar ato afatshkurtra duke mos shënuar lëvizje të konsiderueshme në nivelin e borxhit.

Referuar nivelit të fundvitit 2018, niveli i borxhit të Sektorëve të tjerë ra me rreth 18 milionë euro në nivelin 3,023 milionë euro. Lëvizjet kryesore reflektojnë zvogëlim të detyrimeve në formën e huave midis kompanive të lidhura në një marrëdhënie investimi direkt "investime direkte - hua ndërkompani" (-13 milionë euro).

	31 dhjetor 2018		31 dhjetor 2019	
	Milionë EUR	%	Milionë EUR	%
Qeveria e përgjithshme	3,829	59%	3,756	59%
Autoriteti monetar	57	1%	57	1%
Korporata depozituese përjashtuar bankën qendrore	135	2%	172	3%
Sektorë të tjerë, nga të cilat	2,432	38%	2,430	38%
Korporata jo-financiare	882	14%	843	13%
Korporata jo-financiare në marrëdhënie investimi direkt	1,457	23%	1,455	23%
Borxhi i jashtëm afatgjatë	6,452	100%	6,415	100%

Tabela 5: Borxhi i jashtëm afatgjatë sipas sektorëve institucionalë

	31 dhjetor 2018		30 shtator 2019	
	Milionë EUR	%	Milionë EUR	%
Qeveria e përgjithshme		0%		0%
Autoriteti monetar		0%		0%
Korporata depozituese përjashtuar bankën qendrore	1,292	68%	1,250	68%
Sektorë të tjerë, nga të cilat	609	32%	593	32%
Korporata jo-financiare	367	19%	364	20%
Korporata jo-financiare në marrëdhënie investimi direkt	238	12%	227	12%
Borxhi i jashtëm afatshkurtër	1,901	100%	1,843	100%

Tabela 6: Borxhi i jashtëm afatshkurtër sipas sektorëve institucionalë

Qeveria e Përgjithshme shënon reduktimin më të madh të detyrimeve, gjatë vitit 2019



BORXHI I JASHTËM BRUTO SIPAS INSTRUMENTAVE

Përbërja e borxhit të jashtëm afatgjatë sipas instrumentit (Tabela 7) tregon zgjerim në “hua”, ndërsa “investimet e portofolit” në formën e letrave me vlerë të borxhit, kanë rënë.

Depozitat e pranuar nga institucionet e kreditit, si mjet financimi afatshkurtër kryesojnë detyrimet afatshkurtra në masën 66% të totalit (Tabela 8). Instrumentet afatshkurtra në formën e “investimeve direkte”, si dhe “kreditë tregtare dhe paradhëniet” zënë përkatësisht 12% dhe 20%.

	31 dhjetor 2018		31 dhjetor 2019	
	Milionë EUR	%	Milionë EUR	%
Investim e direkte	1,457	23%	1,455	23%
Hua	4,069	63%	4,112	64%
Kredi tregtare dhe paradhënie		0%		0%
Monedha dhe depozita	8	0%	7	0%
Letrat me vlerë të borxhit	841	13%	772	12%
Alokimi i SDR	57	1%	57	1%
Llogari të tjera të pagueshme	21	0%	12	0%
Borxhi i jashtëm afatgjatë	6,452	100%	6,415	100%

Tabela 7: Borxhi i jashtëm afatgjatë sipas instrumenteve

Stoku i borxhit të jashtëm është i përqëndruar në formën e investimeve të tjera - kryesisht hua dhe monedha e depozita.

	31 dhjetor 2018		31 dhjetor 2019	
	Milionë EUR	%	Milionë EUR	%
Investim e direkte	238	12%	227	12%
Hua	66	3%	31	2%
Kredi tregtare dhe paradhënie	367	19%	364	20%
Monedha dhe depozita	1,214	64%	1,219	66%
Letrat me vlerë të borxhit		0%		0%
Alokimi i SDR		0%		0%
Llogari të tjera të pagueshme	16	1%	2	0%
Borxhi i jashtëm afatshkurtër	1,901	100%	1,843	100%

Tabela 8: Borxhi i jashtëm afatshkurtër sipas instrumenteve



TERHEQJET DHE SHËRBIMI I BORXHIT TË JASHTËM BRUTO

Totali i tërheqjeve ose fluksi i borxhit të ri, gjatë tremujorit të katërt të vitit 2019, shënojnë 114 milionë euro (Tabela 9). Tërheqjet e sektorit *publik* shënojnë 67 milionë euro dhe ato të sektorit *privat* 47 milionë euro. Detyrimet e reja të borxhit të Qeverisë së Përgjithshme përfaqësojnë në masën 58% totalin e tërheqjeve gjatë vitit.

Shërbimi i borxhit të jashtëm (pagesat e principalit dhe të interesit) për periudhën, shënon 126 milionë euro. Nga këto, rreth 71 milionë euro janë pagesa të Qeverisë së Përgjithshme, 35 milionë euro të Sektorëve të tjerë dhe 20 milionë euro të Sistemit Bankar.


Në masën 88%, shërbimi i borxhit ka qenë për shlyerje të kryegjësë (principalit) dhe në 12% për shlyerjen e interesave.

Qeveria e Përgjithshme mban peshën kryesore në shlyerjet e principalit me rreth 60 milionë euro ose 54% të vlerës së përgjithshme të principalit, si dhe në shlyerjen e pagesave të interesit për periudhën, me rreth 11 milionë euro ose 73% të vlerës së përgjithshme të interesave të paguara nga ekonomia.

	Milionë Euro			
	T1/2019	T2/2019	T3/2019	T4/2019
1. Sektori publik				
Tërheqje	39	48	30	67
Pagesa principalit	40	82	61	69
Pagesa interesi	21	12	20	13
2. Sektori privat				
Tërheqje	38	79	55	47
Pagesa principalit	26	39	73	41
Pagesa interesi	2	2	4	3
Gjithsej (Ekonomia)				
Tërheqje	77	128	85	114
Pagesa principalit	66	121	134	110
Pagesa interesi	23	15	25	16

Qeveria e Përgjithshme mban peshën kryesore në shlyerjen e pagesave të principalit dhe të pagesave të interesit.

Tabela 9: Tërheqjet dhe shërbimi i borxhit nga sektori publik dhe sektori privat



Grafik 2: Shërbimi i borxhit të jashtëm bruto ndaj eksportit të mallrave dhe shërbimeve



SHËNIME SHPJEGUESE

<p>Hyrje</p>	<p>Të dhënat e paraqitura i përkasin stokut të fundit të periudhës të detyrimeve të huaja financiare të ekonomisë shqiptare. Të dhënat janë kompiluar në bazë bruto: d.m.th ato nuk iu përkasin zotërimeve të rezidentëve të Shqipërisë në mjete të huaja, gjë që është thelbësore. Ashtu si statistikave të Bilancit të Pagesave dhe Pozicionit të Investimeve Ndërkombëtare dhe statistikave të Borxhit të Jashtëm bëjnë dallimin ndërmjet investimeve direkte, investimeve të portofolit dhe investimeve të tjera dhe përsërisin në një detajim më të gjërë anën e detyrimeve të paraqitjes vjetore të PIN-t. Si e tillë, tabela e Borxhit të Jashtëm identifikon atë element të bilancit të agreguar të Shqipërisë që tregon detyrimet financiare bruto (detyrimet) të rezidentëve të Shqipërisë ndaj jo-rezidentëve me përjashtim të titujve të kapitalit dhe derivativëve. Shifrat prezantohen në mënyrë që të kenë qëndrueshmëri me formatet e prezantimit ndërkombëtar. Informacioni është bërë i disponueshëm për Fondin Monetar Ndërkombëtar dhe Bankën Botërore (https://data.worldbank.org/country/albania?view=chart).</p>
<p>Standarte Statistike Ndërkombëtare</p>	<p>Statistikat e Borxhit të Jashtëm janë kompiluar në përputhje me standardet ndërkombëtare, të përshkruara në “Manuali i Statistikave të Bilancit të Pagesave dhe Pozicionit të Investimeve Ndërkombëtare, Edicioni i Gjashtë” (FMN) dhe me udhëzuesin për kompilues e përdorues “Statistikat e Borxhit të Jashtëm” (FMN). Ndjekja e këtyre standardeve siguron pajtueshmëri të të dhënave nga njëra anë dhe nga ana tjetër, konsistencë midis statistikave të borxhit e atyre të bilancit të pagesave dhe pozicionit të investimeve ndërkombëtare. Të dhënat mbi borxhin e jashtëm bruto janë një burim i rëndësishëm informacioni për zëra të caktuar të këtyre statistikave (shiko më poshtë përkufizimin e <i>borxhit të jashtëm</i>).</p>
<p>Përkufizimi i Borxhit të Jashtëm</p>	<p>Guida e Borxhit të Jashtëm të FMN-së e përkufizon borxhin e jashtëm si një pikë në kohë në pasqyrën financiare të vlerës dhe përbërjes së stokut të detyrimeve financiare bruto të një ekonomie ndaj pjesës tjetër të botës. Detyrimet të cilave ju referohemi mbulojnë kreditë e marra nga jo-rezidentët, llogaritë dhe depozitat e jo-rezidentëve, kreditë tregtare që duhet tu paguajmë jo-rezidentëve si dhe detyrime të tjera ndaj tyre. Në thelb, borxhi i jashtëm iu referohet detyrimeve financiare ndaj jo-rezidentëve dhe jo atyre që rezultojnë nga transaksionet në kapital ose nga kontratat e derivativëve financiarë.</p>
<p>Rezidenca</p>	<p>Termi <i>rezident</i> iu dedikohet (a) individëve, përfshirë dhe atyre me kombësi të huaj, që jetojnë në Shqipëri për të paktën një vit ashtu si dhe stafit të ambasadës shqiptare dhe stafit ushtarak të vendosur jashtë, (b) trupave qeveritare shqiptare të vendosura jashtë (ambasadave, konsullatave, etj), dhe (c) korporatave që kanë në Shqipëri qendrën e interesit ekonomik, përfshirë dhe degë të kompanive të huaja të regjistruara. Gjithashtu përfshihen edhe sipërmarrjet me pronësi të huaj të vendosura në Shqipëri dhe të angazhuara në aktivitete të shërbimeve financiare të tregtuara në arenën ndërkombëtare.</p> <p><i>Jorezidentë</i> të një ekonomie përkufizohen njësitë institucionale që nuk janë rezidentë të asaj ekonomie.</p>
<p>Tipet e Instrumentave Financiarë të Rëndësishëm për Borxhin e Jashtëm</p>	<p><i>Kapitali</i>: ndërkohë që, detyrimet e lindura nga pjesëmarrja me fuqi votuese në kapital (përfshirë këtu detyrimet që lindin nga emetimi i pjesëmarrjeve në institucione kolektive investimi) përjashtohen nga statistikave të borxhit të jashtëm, detyrimet që lindin si pasojë e emetimit të aksioneve preferenciale jo-pjesëmarrëse përfshihen dhe trajtohen si tituj borxhi nën zërin (afatgjatë) <i>obligacione dhe tituj</i>.</p> <p><i>Obligacionet dhe titujt</i> e emetuar nga kompanitë ose qeveria janë tituj borxhi të tregtueshëm që kanë një maturitet fillestar prej më shumë se një vit, i cili, zakonisht, i jep mbajtësit (i) të drejtën e pakushtëzuar të një e ardhur monetare fikse ose të një e ardhur variable të përcaktuar kontraktualisht dhe (ii) të drejtën e pakushtëzuar të një shumë fikse në pagesat e principalit në një datë ose data specifike.</p> <p><i>Instrumentet e tregut të parasë</i> janë tituj borxhi të emetuar me një maturitet fillestar prej një viti ose më pak. Ata i japin mbajtësit të drejtën e pakushtëzuar për të marrë një shumë parash të deklaruar dhe fikse në një datë specifike. Këta instrumenta janë, përgjithësisht të tregtueshëm me skonto në tregje të organizuara. Skontoja është e varur nga norma e interesit të instrumentit të lidhur me normën e interesit të tregut dhe kohën e mbetur deri në maturim. Shembuj të instrumenteve të tillë janë: bonot e thesarit, letrat tregtare dhe financiare dhe pranimet bankare.</p>

	<p><i>Kreditë tregtare</i> (të pagueshme) janë detyrime që lindin nga zgjerimi direkt i kredisë i lidhur me transaksione në mallra dhe shërbime dhe pagesa në avancë për punën në progres (ose që duhet ndërmarrë).</p> <p><i>Huatë/monedhat dhe depozitat</i> përfshijnë huatë, depozitat dhe monedhat (si p.sh, kart-monedhat dhe monedhat që janë në qarkullim dhe të përdorura gjerësisht për të kryer pagesa). Të përfshira janë huatë për të financuar tregtinë, hua të tjera dhe paradhënie (përfshirë dhe kredinë për shtëpi) ashtu si dhe lizingu financiar.</p> <p>Stoku i detyrimeve i gjithë instrumenteve të tjerë financiarë (ndryshe nga kapitale jo-pjesëmarrëse - pa fuqi votuese, tituj të borxhit, kredi tregtare, hua, monedha dhe depozitave), të tillë si kapitali i nënshkruar për pjesëmarrje nga Shtete Anëtare në organizatat ndërkombëtare jo-monetare, ndryshimet në rezervat teknike të sigurimit, kompensimet për sa iu përket transaksioneve të titujve të papaguar, përfshihen në <i>detyrime të tjera</i> brenda borxhit të jashtëm.</p>
<p>Mbledhja e të dhënave</p>	<p>Burim informacioni për statistikën e Borxhit të Jashtëm janë: Banka e Shqipërisë, Ministria e Financave, Organizata e Institucione të tjera Ndërkombëtare si dhe sistemi bankat pjesë e Sistemit të Unifikuar të Raportimit në Bankën e Shqipërisë.</p>
<p>Vlerësimi</p>	<p>Stoku i detyrimeve është regjistruar në vlerë nominale dhe jo në vlerë tregu dhe Borxhi i Jashtëm Bruto i Shqipërisë është kompiluar në lekë dhe raportuar në euro. Për stokun e detyrimeve në monedha të tjera, konvertimi bëhet me kursin zyrtar të këmbimit të datës së fundit të periudhës së raportimit. Efekti i ndryshimit të kurseve të këmbimit është përfshirë në vlerësimin e stokut të detyrimeve. Instrumentet përkatës përfshijnë dhe interesat e përlogaritur në vlerën e stokut të tyre.</p>
<p>Paraqitja e tabelës</p>	<p>Paraqitja e të dhënave të borxhit të jashtëm së pari dallon sektorët institucionalë:</p> <p><i>Qeveria e Përgjithshme</i> – mbulon qeverinë qendrore</p> <p><i>Autoriteti Monetar</i> – është Banka Qendrore e Shqipërisë</p> <p><i>Korporatat depozituese me përjashtim të Bankës Qendrore</i> – janë bankat e licensuara</p> <p><i>Sektorët e Tjerë</i> – janë të gjitha korporatat e tjera dhe si dhe ekonomitë shtëpiake. Të përfshira këtu janë: kompanitë e sigurimeve dhe fondet e pensionit, fondet e investimit, shoqëritë e kursim kreditit, tregtarët e titujve, ashtu si dhe kompanitë e shërbimeve jo-financiare dhe të prodhimit dhe sipërmarrje të tjera industriale.</p> <p>Kategoria e <i>investimeve direkte</i> dallohet, gjithashtu, në këtë nivel. <i>Investimi direkt</i> është një kategori e investimit ndërkombëtar që, bazuar në një pronësi kapitali në të paktën 10%, reflekton një interes të qëndrueshëm të një rezidenti në një ekonomi (investitori direkt) në një sipërmarrje rezidente në një ekonomi tjetër (kompania e investimit direkt). <i>Detyrimet e borxhit ndaj sipërmarrjeve të lidhura dhe detyrimet e borxhit ndaj investitoreve direkte</i> mbulojnë të gjitha detyrimet e borxhit (siç janë përcaktuar më sipër) të kompanive rezidente ndaj mëmave të tyre të huaja, degëve ose sipërmarrjeve të tjera të lidhura jashtë.</p> <p>Brenda sektorëve klasifikimet jepen sipas:</p> <p><i>maturitetit - afat-shkurtër</i>: në rastet e një maturimi origjinal një vit ose më pak;</p> <p><i>afat-gjatë</i>: për një maturim origjinal më shumë se një vit; dhe sipas,</p> <p><i>instrumentit financiar</i>: monedha dhe depozita, <i>tituj borxhi, kredi tregtare (të pagueshme), detyrime të tjera borxhi dhe alokimet në SDR.</i></p>

**DEPARTAMENTI I
STATISTIKAVE
FINANCIARE**

Sheshi "Skënderbej", nr. 1, Tiranë

Tel: + 355 4 241 93 01
+ 355 4 241 93 02
+ 355 4 241 93 03
+ 355 4 241 94 09
+ 355 4 241 94 10
+ 355 4 241 94 11

Fax: + 355 4 241 94 08
Email: statistics@bankofalbania.org



Shënime:

Banka e Shqipërisë rezervon të drejtën për të bërë rishikimin e statistikave të publikuara. Në rastin e rishikimeve që sjellin ndryshime të treguesve, Banka e Shqipërisë njuh përdoruesit me faktorët e rishikimit dhe ndikimin përkatës.

Gjatë periudhës kanë ndodhur ndryshime në stokun e borxhit të jashtëm bruto si pasojë e rishikimeve.

Sektorët e rishikuar janë ai i Qeverisë së Përgjithshme dhe i Sektorëve të Tjerë, si pasojë e plotësimit të informacionit me të dhëna të përditësuar. Për më shumë informacion referojuni të dhënave në linkun:

*[https://www.bankofalbania.org/Statistikat/Statistikat_e_Sektorit_te_Jashtem/
Borxhi_i_Jashtem_Bruto/Borxhi_i_Jashtem_Bruto.html](https://www.bankofalbania.org/Statistikat/Statistikat_e_Sektorit_te_Jashtem/Borxhi_i_Jashtem_Bruto/Borxhi_i_Jashtem_Bruto.html)*